

Dumonda Rutishauser concernent in post da mediaziun per il sector da sanadad e per ils fatgs socials

L'ultim temp èn instituziuns dal sector da sanadad stadas repetidamain il tema da rapports negativs e da brevs da lecturs.

Ultra da posts da mediaziun generals en intgins chantuns ha il chantun Vallais dapi l'onn 2017 in post da mediaziun per il sector da sanadad, al qual pazientas e pazients, abitantas ed abitants, collavuraturas e collavuratur sco er confamigliaras e confamigliars pon sa drizzar en situaziuns da conflict. Grazia a quest instrument pon incunvegnyentschas e fauss svilups vegnir constatads e cumbattids a temp. In post da contact e da reclamaziun en l'agen manaschi, sco quai ch'i dat en il Grischun en singuls cas, è in grond obstachel per las collavuraturas ed ils collavuratur: La tema da repressiun è chapiblamain gronda.

En il Grischun exista in post da mediaziun per sclerir conflicts tranter las clientas ed ils clients d'organisaziuns da la spitex. Singulas instituziuns han soluziuns internas. L'uniun grischuna da medis maina medemamain in post da mediaziun.

In post da mediaziun ch'è cumpetent per tut las instituziuns dal sector da sanadad ed al qual tant pazientas e pazients, confamigliaras e confamigliars sco er collavuraturas e collavuratur pon sa drizzar, n'exista fin ussa betg en il chantun Grischun.

Las sutsegnadras ed ils sutsegnaders tschentan en quest connex las suandantas dumondas:

1. Tge ponderaziuns ha la regenza fatg fin ussa areguard l'installaziun d'in post da mediaziun per il sector da sanadad e per ils fatgs socials?
2. Tge custs chaschunass l'installaziun d'in tal post da mediaziun?
3. Tge consequenzas positivs areguard la garanzia da la qualitat vesa la regenza, sch'in tal post vegn endrizzà?

Cuira, ils 25 d'october 2018

Rutishauser, Tomaschett-Berther (Trun), Rettich, Atanes, Baselgia-Brunner, Bigliel, Brandenburger, Cahenzli-Philipp, Degiacomi, Deplazes (Cuira), Gasser, Hitz-Rusch, Hofmann, Holzinger-Loretz, Horrer, Locher Benguerel, Mittner, Müller (Favugn), Noi-Togni, Perl, Preisig, Schwärzel, Thomann-Frank, Thöny, Ulber, Widmer-Spreiter (Cuira), Wilhelm, Zanetti (Sent), Spadarotto